



SAKSPAPIR

Saksnr	Utval	Type	Dato
23/2021	Formannskap/plan- og økonomiutvalet	PS	09.03.2021
14/2021	Kommunestyret	PS	23.03.2021

Sakshandsamar	Arkiv	ArkivsakID
Tore Henrik Øye	FE-233, FA-V17	21/169

FRAMLEGG TIL KOMMUNALE RETNINGSLINER FOR TILDELING AV TILSKOT TIL TILTAK I BEITEOMRÅDE I VAKSDAL KOMMUNE 2021 - 2025

Vedlegg:

FRAMLEGG LOKALE RETNINGSLINER INVESTERINGSMIDLAR BEITEBRUK

Rådmannen sitt framlegg til vedtak:

Kommunestyret vedtek framlegg til kommunale retningslinjer for løyving av tilskot til tiltak i beiteområde i Vaksdal kommune for 2021-2025, slik dei ligg føre frå Rådmannen.

Formannskap/plan- og økonomiutvalet - Sak 23/2021

FPØ - Behandling:

Formannskapet drøfta saka.

Landbruksrådgevar Tore Henrik Øye svarte på spørsmål.

Kommunedirektøren sitt framlegg til vedtak vart samrøystes vedteke.

FPØ - Tilråding/Vedtak:

Formannskapet si innstilling til kommunestyret:

Kommunestyret vedtek framlegg til kommunale retningslinjer for løyving av tilskot til tiltak i beiteområde i Vaksdal kommune for 2021-2025, slik dei ligg føre frå Rådmannen.

Kommunestyret - Sak 14/2021

KOM - Behandling:

Formannskapet si innstilling vart samrøystes vedteken.

KOM - Tilråding/Vedtak:

Kommunestyret vedtek framlegg til kommunale retningslinjer for løyving av tilskot til tiltak i beiteområde i Vaksdal kommune for 2021-2025, slik dei ligg føre frå kommunedirektøren.

Saksopplysningar:

Samandrag/konklusjon (kort om saka)

Tilskotsordninga «Tilskot til tiltak i beiteområde» skal fremje best mogeleg nytting av beiteressursane i utmark, låge tapstal og fellestiltak i beiteområde gjennom organisert beitebruk.

Registrerte lag/organisasjonar i «Enhetsregisteret», med næringsretta beitedrift som føremål, kan søkje om tilskot frå ordninga. I Vaksdal kommune er det 6 beitelag som driv organisert beitebruk.

Sidan 2020 har kommunane hatt ansvar for forvaltning av tilskotsordninga, med utgangspunkt i tildelte midlar frå Statsforvaltaren i Vestland (økonomisk ramme).

I følgje «Forskrift om tilskudd til tiltak i beiteområde» § 2, skal kommunane vedta lokale retningslinjer som grunnlag for løyving av tilskotsmidlar. Vaksdal kommune har ikkje eit slikt rammeverk, og Rådmannen legg difor fram framlegg til køyrereglar.

Bakgrunn for saka

«Tilskot til tiltak i beiteområde» er ei statleg tilskotsordning for å fremje best mogeleg bruk av beiteressursane i utmark, redusere tap av dyr på beite og fremje fellestiltak i beiteområde. I følgje «Forskrift om tilskudd til tiltak i beiteområde» § 2, kan det gjevast tilskot til beitelag, grunneigarlag og liknande lag som;

- *er registrert i «Enhetsregisteret».*
- *driv næringsretta beitedrift.*
- *gjennomfører investerings-, planleggings- og/eller tilretteleggingstiltak i beiteområde.*

I Vaksdal kommune er det 6 beitelag som driv med organisert beiterbruk. Laga samlar om lag 60 medlemmar, og i 2020 vart det sankt kring 2 650 sauer og 4 250 lam frå fjellbeite i kommunen. I tillegg kjem om lag 250 storfe og kring 140 geiter.

Ansaret for forvaltning av tilskotsordninga, med fastsetjing av søknadsfrist, utlysing av midlar, prioritering av innkomne søknadar og løyving av tilskot, har sidan 2020 vore knytt til kommunane. I dette høve disponerer Statsforvaltaren i Vestland ei økonomisk ramme til fordeling.

Som grunnlag for prioritering av tilgjengelege midlar, SKAL kommunane i følgje Rundskriv 2019-45, fastsetje LOKALE RETNINGSLINER innanfor ramma av gjeldande forskrift og Landbruksdirektoratet sine kommentarar til regelverket.

Retningslinjene skal setje rammer og føringar for bruk av investeringsmidlane, ved å peike på og vektleggje aktuelle tiltak/prosjekt ut frå kva som er føremålstenleg for bruk av beiteressursane i kommunen. Dei kan òg innehalde timesatsar for søkjar sitt eige arbeid, som grunnlag for godkjenning av kostnadsoverslag, og stønadsgrenser til ulike typar tiltak, med bakgrunn i kva som tener lokale og

regionale forhold.

Rettleiinga frå Landbruksdirektoratet seier vidare at dei lokale retningslinene bør sjåast opp mot - og koordinerast med - kommunal tiltaksstrategi for Spesielle miljøtiltak i landbruket (SMIL), som kommunen har vedteke. I tillegg skal eventuelle retningsliner frå Statsforvaltaren leggjast til grunn.

Vaksdal kommune har ikkje lokale retningsliner for tildeling av tilskot til tiltak i beiteområde, og må difor fastsetje slike til søknadsomgangen i 2021.

Formelt grunnlag

- «Forskrift om tilskudd til tiltak i beiteområde».

Vurdering og konsekvensar

Det er i tidlegare år gjeve tilskot til fleire ulike typar tiltak i beiteområda, og gjeremål som ofte har gått att, er:

- Sankehegner og skiljeanlegg.
- Elektronisk overvakingsutstyr (radio-/GPS-bjøller) – spesielt dei siste åra.
- Sperregjerde.
- (Tilskot til bruer).

Dette er nyttige og føremålstenlege tiltak, som det også vil vere aktuelt og naturleg å gje tilskot til framover. Samstundes er det også ynskjeleg å stimulere til andre typar tiltak som fremjar effektiv, rasjonell og målretta beitebruk, til dømes planleggingstiltak og praktiske fellestiltak som legg til rette for samarbeid mellom medlemane i beitelaga.

Der eitt beitelag søker om tilskot til same type tiltak - og til anlegg - som det er løyvd pengar til før, til dømes radiobjøller og sankehegner, vil det vere naturleg å vurdere verdien av - og behovet - for ytterlegare investering, og ta dette med som grunnlag i vurderinga. Forholdet må også sjåast i høve til gjeldande reglar i forskrifta og Statsforvaltaren sine føringar for slike problemstillingar.

Kostnadskrevjande tiltak med stor nytteverdi, der investeringstilskot vil vere avgjerande for å kunne realisere tiltaka, vil vere naturleg å vektleggje. Men tildeling til slike tiltak må òg sjåast i lys av tilgjengelege midlar og talet på innkomne søknadar, med totalt søknadsbeløp.

Det vil vere naturleg å sjå tildeling av investeringsmidlar i samanheng med SMIL-strategien til kommunen, og vurdere høvet for vekselverknadar ved å løyve tilskot frå begge ordningane.

Sjølv om innhaldet i – og føremåla med – innkomne søknadar vil vere avgjerande for handsaminga, bør også intensjonen vere at alle som søker får ta del i midlane over tid. Spesielt nyttig vil det vere å støtte opp om eventuelt nyskipa lag. Samstundes vil også nytteverdien av tiltaka det vert søkt om, mellom anna ut frå beitearealet og talet på beitedyr i lagsområdet, vere eit naturleg kriterie for prioritering og tildeling.

Framlegg til retningsliner for tildeling av tilskot til tiltak i beiteområde i Vaksdal kommune for 2021-2025, går fram av vedlegg.

